

西南稀見方志文獻

第九卷

中國西南文獻叢書

中國西南文獻叢書
第九卷
西南稀見方志文獻

中國西南文獻叢書·第一輯

江苏工业学院图书馆
藏书章

西南稀見方誌文獻

第九卷



本卷目錄

華陽國志	〔晉〕常璩撰	〔清〕李調元校定		一
雲陽縣志	〔明〕楊鸞等修	施繼宗 唐相翁鏜等纂		二三五

【明】吳潛修輯

夔州府志

《夔州府志十二卷》，明吳潛修輯。潛字顯之，江西臨川人。本書據一九六三年上海古籍書店復制寧波天一閣藏明正德刻本影印，原書版框尺寸爲二十一點五厘米乘十四點六厘米。

夔州府志序

志記之文其來尚矣古者經界之法
行則鄉有善俗學校之教明則士有
定業考諸經可見也已我

國家混一海宇稽古右文故上自國都下
及閭巷凡有關於風教者每事必書
於策藏之秘府用資

睿覽而其制必始於郡縣彙次成篇然後

登進之重加績述以昭示乎天下後
世即虞書咨詢周禮圖籍之遺意也
夔在蜀爲大郡與荆襄漢沔相接壤
江山聯屬地廣民稀然其俗猶爲近
古至於上着新附之家漸增於昔而
舊志缺畧君子於此不能無議焉正
德己巳臨川吳公潛顯之以冬官郎
銜

聖天子命出守於此甫視事即慨然以重脩郡志爲已任乃延郡中有文學者各詣所屬十有二縣窮搜博采而後考訂焉沿革分野之詳井竈租稅之數他如物產戶口名宦流寓皆無微不至而不具載通計若干卷其筆削大指則斷自太守公足成之公用心可謂勤矣顧以予有斯文之舊託一言引

其端夫當官之要談者類能取所謂
清慎勤相與樂道之以爲矜式然有
一焉地利有肥磽風俗有美惡賦役
有重輕其舊規故典可以稽之於古
而驗之於今者固有在也按其舊以
布吾維新之政考其迹以酌吾時措
之宜則存乎其人耳是故登高眺遠
則有得乎孔明恢復之志撫景觸物

則有得乎少陵忠愛之情二者皆於
郡志乎見之然則文之不可忽也如
此顯之下車之初時荒盜發征調頻
繁公隨事籌畫衆論翕然極爲都憲
林公見素所稱重又能推其餘力作
興學校激勵人才招募鄉勇賑恤貧
乏其可書者殆不止於郡志一節云
是編出向所謂孔明事業少陵題詠

宛然在開卷中俾聽者起敬冒次悠
悠而顯之之名亦將與二公同垂於
不朽矣況文獻不足古人所憾他日
太史氏采四方之言成一代之典萬
一於此有取焉其爲助豈少乎哉遂
不辭而爲之序

正德八年歲在癸酉夏六月吉

賜進士第通議大夫南京禮部右侍郎前

翰林侍讀學士

經筵講讀

纂脩會典致仕西充馬廷用書

卷之八



夔州府

東西約廣一千六十五里

南北約長一千六百五十里

東至湖廣荊州巴東縣界二百二十里

西至重慶墊江縣界八百四十五里

南至湖廣施州衛界四百五十里

北至陝西漢中金州界一千二百里

本府東到巫山縣一百二十里東北到大昌縣

二百五十里○西到雲陽縣二百里到開
縣四百里到新寧縣六百里西南到萬
縣四百里到梁山縣六百里西北到東鄉
縣八百里到達州九百里○南到建始縣
五百里○北到大寧縣三百五十里
東北到京師六千九百八十里
東到南京二千五百三十里
西到四川一千五百里

夔州府奉節縣地理圖

